

Crynodeb o Bwyllgor Comisiynu ac Ansawdd Addysg (ECQC) Addysg a Gwella Iechyd Cymru (AaGIC) a gynhaliwyd ar 8 Hydref 2020

Oherwydd cyfyngiadau a osodwyd yn ystod yr argyfwng iechyd cyhoeddus cyfredol, nid oeddem yn gallu cynnal ein cyfarfod ym mis Hydref o'r Pwyllgor Comisiynu ac Ansawdd Addysg yn gyhoeddus. O ganlyniad, rydym wedi cynhyrchu'r crynodeb hwn o'r cyfarfod. Byddwn hefyd yn cyhoeddi cofnodion heb eu cadarnhau o'r cyfarfod cyn pen 14 diwrnod o'r cyfarfod. Gellir gweld y papurau a drafodwyd yn adran gorfforaethol gwefan AaGIC <https://heiw.nhs.wales/>.

Er iddo gael ei gynnal trwy fideo-gynadledda, cynhaliwyd y cyfarfod fel arfer yn unol â'r broses briodol, gyda'r nifer angenrheidiol o aelodau'r pwyllgor yn bresennol i ffurfio cworath ac i benderfyniadau gael eu gwneud a'u cytuno'n ffurfiol.

1. Croeso a Chofnodion.

Croesawodd y Cadeirydd, Ruth Hall, bawb i'r cyfarfod yn ystod y cyfnod heriol hwn. Croesawyd Ceri Phillips (aelod annibynnol o Fwrdd AaGIC) i'r cyfarfod cyntaf fel aelod o'r Pwyllgor.

Cymeradwyodd y Pwyllgor gofnodion ei gyfarfod blaenorol a gynhaliwyd ar 16 Medi 2020.

2. Diweddariad Rheoli Ansawdd

Mae AaGIC yn ceisio, trwy ei Ddeoniaeth Feddygol, wella gofal cleifion a diogelwch cleifion trwy fonitro a datblygu addysg a hyfforddiant o ansawdd uchel ar gyfer hyfforddeion.

Rhoddodd yr adroddiad ddiweddariad i'r Pwyllgor ar weithgaredd rheoli ansawdd a wnaed gan y Ddeoniaeth Feddygol ac amlygodd feysydd y mae angen canolbwyntio arnynt ar hyn o bryd.

Nododd y Pwyllgor y diweddariad er gwybodaeth.

3. Crynodeb o'r Adolygiad Comisiynu Darparwyr Addysg Leol 2019-20

Rhoddodd yr adroddiad grynoded o'r gwaith a wnaed gan AaGIC a'r Ddeoniaeth Feddygol mewn perthynas â monitro a datblygu addysg a hyfforddiant ar gyfer hyfforddeion meddygol yn 2019-20.

Newidiwyd y broses Gomisiynu eleni i gynnwys: cynnal adolygiad blynyddol o addysg aml-broffesiynol gan yr holl ddarparwyr addysg lleol, sefydlu i ba raddau yr oedd sefydliadau wedi cwrdd â Chytundeb Disgwyliad AaGIC a rhoi cyfle i gydnabod a rhannu arfer da.

Nododd y Pwyllgor y crynodeb er gwybodaeth a chroesawyd y dull newydd.

4. Gwerthuso Effeithiolrwydd Pwyllgorau 2019-20

Derbyniodd y Pwyllgor adroddiad ar ei hunanasesiad blynyddol cyntaf o ymarfer effeithiolrwydd a nododd gyflawniadau, ac argymhellion ar gyfer gwella effeithiolrwydd yn y dyfodol.

5. Adolygiad o Gylch Gorchwyl y Pwyllgor

Derbyniodd ac adolygodd y pwyllgor ei gylch gorchwyl.

Cytunwyd y dylid nodi'r adolygiad ac y dylid argymhell y gwelliant sy'n ymwneud â rôl yr Is-gadeirydd i'r Bwrdd i'w gymeradwyo.

6. Drafftio cofnodion heb eu cadarnhau o'r Grŵp Addysg ac Ansawdd Aml-Broffesiynol (MPE & EG)

Ystyriwyd a nodwyd cofnodion cyfarfod cyntaf y Grŵp Addysg ac Ansawdd Aml-Broffesiynol.

7. Cylch gorchwyl ar gyfer y Grwpiau Cyngtori ar Wynebu Mewnol a Wynebau Allanol newydd ar Addysg a hyfforddiant

Ystyriwyd cylch gorchwyl dau is-grŵp newydd y Pwyllgor: y Grŵp Ansawdd ac Addysg Aml-Broffesiynol a'r Grŵp Cyngtori ar Addysg.

Cytunwyd, yn ddarostyngedig i rai mân welliannau, y dylid argymhell y cylch gorchwyl i'r Bwrdd i'w gymeradwyo.

8. Rhaglen Waith Ymlaen Ddrafft

Diwygiwyd a nodwyd y rhaglen waith ddrafft ymlaen.

9. Papur briffio - Diffinio'r 'Normal Newydd' ar gyfer Addysg a Hyfforddiant yng Nghymru

Derbyniodd y Pwyllgor bapur briffio a amlygodd y gwersi allweddol gan COVID-19 ar gyfer hyfforddiant ac addysg ym maes iechyd a gofal cymdeithasol. Pwysleisiodd fod y pandemig wedi creu amgylchedd cwbl newydd lle bu newid yn gyflym ac yn ddigynsail. I'r gwrthwyneb, roedd yr amgylchedd hwn hefyd wedi creu cyfleoedd ar gyfer arloesi, datblygiadau digidol a moderneiddio.

Croesawyd a nodwyd y papur briffio gan y Pwyllgor.

10. Diweddariad ar yr adolygiad strategol o Addysg Gofal Iechyd yng Nghymru

Derbyniodd y Pwyllgor ddiweddariad ar lafar mewn perthynas â'r amserlen ar gyfer dilyniant y broses contractau sy'n ymwneud â'r adolygiad strategol o Addysg Proffesiynol Gofal Iechyd yng Nghymru (y Contractau).

Cadarnhawyd bod y broses ar gyfer cael cymeradwyaeth gan Lywodraeth Cymru ar y gweill. Er bod y broses fel arfer yn cymryd tair wythnos, dywedwyd wrth y Pwyllgor y gallai'r broses gymryd mwy o amser yn yr achos hwn o ystyried maint a chymhlethdod y Contractau. Fodd bynnag, roedd yn bwysig cadw o fewn yr amserlen gyffredinol y cytunwyd arni.

Derbyniwyd a nodwyd y diweddariad gan y Pwyllgor.

11. Rhwydwaith Trawma De Cymru

Cyflwynwyd cyflwyniad ar asesiad o anghenion Hyfforddiant Rhwydwaith Trawma De Cymru.

Nodwyd y cyflwyniad.

12. UFA

Gan nad oedd unrhyw faterion pellach i'w hystyried daeth y cyfarfod i ben.